

四庫全書

集部

欽定四庫全書

御製詩四集卷四十八

全韻詩下平聲十五首

戊戌四

順治甲申

世祖元年

命攝政王統師伐明

叶審親

順治元年四月

王多爾袞代統大軍

命攝政往定中

原授奉命大將軍印

切便宜從事遂自盛京啓

錫以御用蠡蓋一行向寧遠而進

適於其時

流賊入燕明帝殉國社稷已遷厥吳三桂致書軍門

叶

乞師進討大軍遂前

睿親王統兵行六日明平西伯吳三桂遣副將等出山海關致書於

王以流寇攻破京城九廟灰燼明帝已殉社稷賊首僭稱尊號擄掠逞殘神人共憤乞師除暴翦惡三桂願率

所部前驅睿親王得書即指山海關進發報三桂書越日三桂復致書於王請速懸虎旅入關急擊逆賊京東

西可傳檄而定也王得書即星夜前進遇賊將唐通於一片石邀擊之斬百餘人賊遁去我兵直薄山海關三

桂率屬迎賊廿萬衆據山海關並山橫海勢頗盛焉王謁遂入關

傳軍令勿得爭先鱗次布列固我中堅三桂漢兵白布

識肩以為分別否恐同殲

叶時賊首李自成率馬步二十餘萬衆自北山橫亘至

海列陣以待睿親王集衆傳令曰爾等毋越伍躁進此兵不可輕擊破此則大業成矣因令我兵向海對賊陣

尾麟次布列吳三桂兵分列右翼之末並諭三桂曰爾兵各以白布繫肩為號不然同係漢人以何為辨恐致

誤殺

大風忽作堀堞蔽天我軍呼噪風止戰酣

叶

大敗賊

衆滅跡掃塵

叶

是日大風迅作塵沙蔽天咫尺莫辨及進兵今軍士呼噪者再風遂止各對陣

奮擊大敗賊衆追殺至四十里賊首尾不相顧向燕京

遁走因晉吳三桂爵為平西王以馬步兵一萬隸之隨

攝政王直趨燕京追殺流

賊即以捷書馳奏盛京

遂至都城賊早西竄

叶

睿

諸將誓約並諭衆曰此次出師所以除暴救民滅流寇

以安天下也今入關西征勿殺無辜勿掠財物勿焚廬

舍不如約者罪之仍示官民以取殘不殺共享太平之

意百姓聞之莫不大悅凡逃竄山谷者皆還鄉里薙髮

歸附所過州縣官民並開城迎降我軍至燕京自成已

焚宮殿西遁因令諸將隨三桂追賊尋勦之於陝西賊復

通入湖廣
竄死山谷

辭輦安衆守經達權丈程贊農嘉猷允賢

五月睿親王至燕京故明文武官出迎五里外王迎朝陽門老幼焚香跪迎衆以明鹵簿御輦陳皇城外故王乘輦王固辭衆再三請王曰今來定天下不可不從衆意乃以王儀仗前列來輦入武英殿故明衆官皆拜賀王下令諸將乘城止宿不許擅入民居萬戶安堵乃與大學士范文程等議政于是傳檄安撫畿輔郡縣今明衆官任事如故九月

駕至定鼎北京

叶

睿親王等定議都燕即具疏恭迎世祖于八月啟蹕九月

駕至燕京定鼎
告祭廟社

躬親郊壇
御皇極門受朝為明雪恨撫有宇

褒漢高明祖秦元之民

叶

李唐趙宋更不足云

宋之得唐

天下皆有慚德即漢高祖雖如逐鹿中原得之以高才捷足然劉乃秦之亭長朱亦元之編氓究為干犯名分若我朝與明本屬各國且祖宗以七大恨興師於義甚正而屢至燕京未即攻取蓋知其國政日非待時而動也及流寇入逼明之社屋已墟三桂迎請王師為之驅勦賊衆雪恥復仇因而定鼎安民出諸水火統一海宇億兆歡迎從古得統奉之光明正大孰有比於本朝者哉

天宏運啟後承

前於億萬載

皇圖永綿

右

世祖定鼎燕京

長江暫不守南朝唐桂斯同昱昺聊


明福王朱由崧為其諸臣擁立稱號

江寧使稍能奮志有為未嘗不可同宋高宗之偏安南
渡乃以昏闇不克自振惟晏樂是耽任用馬士英阮大
鍼奸黨擅權足非顛倒而高傑輩又復交誼於外勢益
貼危雖史可法力矢孤忠誠如一木之難支傾厦惟時
豫親王多鐸等統兵南下於順治二年五月連克淮揚
渡江乘勝直抵江寧福王先期遁去明之公侯閣部文
武臣僚二百餘乘馬步兵二十三萬八千有奇悉皆降
順因以平定江南捷聞六月豫親王乃分遣貝勒
尼堪等追福王至蕪湖明靖國公黃得功戰歿其總兵
田雄馬得功縛福王以獻明祚遂亡若明之唐王朱聿
鍵桂王朱由榔雖僭尊稱而竄走靡寧旋就擒滅
亦如宋末是昌二帝之流離瘴海并不足稱餘聞矣世

遵守
者也

右

世宗硃批諭旨



御製詩四集卷四十八

欽定四庫全書

集部

御製詩四集卷

四十九至
五十一

編修臣
初喬齡覆校

總校官編修臣
程嘉謨

欽定四庫全書

御製詩四集卷四十九

全韻詩上去入聲七十六首古體詩一首

戊戌五

三皇五帝其辨紛總序書始堯自我聖孔帝學心學牖
世惛憒天道以成義和分用叶地道以平四岳咨共叶
不識不知擊壤歌動於變時雍奚資威董

右唐堯

居深山中荷天寵依石屨顏木擁腫聞善若決江河湧

沛然莫之能禦壘升聞元德投艱重危微心傳開道統

叶舉八元愷光堯踵

左氏謂元愷堯不能舉而舜舉之審如是堯何以爲巍巍蕩蕩則天

之大聖乎或者當堯之時其賢尚未甚彰故舉亦因之而有待況舜之協帝皆出堯之所授則舜之所舉即堯之所舉耳邱明博於紀事而昧於知理向因讀季文子出莒僕篇曾爲文以駁正之五刑七政脩

以並

叶

南風解阜時幾奉九韶正律來儀鳳

叶

青宮重

華額斗拱

向所居處即位後榜之曰重華宮

高山仰止心翹竦

右虞舜

山川州澤各分九暨稷播種興耕耨弁冕端委臨諸侯

微禹其魚劉子講貢金象物鑄以鼎惡旨疏狄絕諸杯
叶東序養老別尊卑下車泣罪息訟鋸不於無間識本
源何異望海航斷港

右夏禹

神禹度土功呱呱泣弗子塗山明訓教化德敬承是伯
益既就國諸侯畢歸只利民大與深昌黎言實旨孟子

舉天與從而為辭耳每讀雜著篇惟覺理盈紙

昌黎對禹問云

堯舜之傳賢欲天下之得其所禹之傳子憂後世爭之之亂堯舜之利民也大禹之利民也深傳諸人得大聖然後人莫敢爭傳

諸子得大惡然後人受其亂與其傳不得人而爭且亂孰若傳
諸子雖不得賢猶可守法孟子所謂天與賢則與賢天與子則
與子蓋求其說不得從而為之辭余嘗讀是篇評之云堯舜創
也禹因也使堯以前皆傳賢則堯授舜舜授禹何為創見而參
美足知堯以前猶傳子而禹亦猶行古之道也且堯典放齊有
子朱啟明之請益稷謨大禹有丹朱殄世之戒若非堯以前亦
傳子斯曷以稱焉曷黎之說實能補孟子之所未言向選
唐宋文醇曾附刻評語於後茲詠禹傳啟事因附及之

右夏啟

羿浞之禍夏中衰如氏未亡所餘幾為仍牧正恭澆兇
奔虞戒若蹈虎尾妻以二姚邑諸綸有田一成衆一旅
叶
布德兆謀收夏臣誅澆及獯復禹跡叶
共難不渝卒

成功賢臣靡者如仲虺中興實亞開勦艱應以少康為
冠始溯其配天德在何不出敬勤心疊疊

右夏少康

桀以日亡湯則天與紂有自燔之嫌武無慚德之語是

湯武之甲乙定於斯矣況乎一曾薦尹一未進呂

湯薦
伊尹

於桀有其其改過之心武王未
進呂望於紂是未有伐殷之意

雖然以爭而得天下者

實自茲始焉是湯之不幸也乃適逢其時之所處

右殷湯

兄終弟及始乎商太戊惟賢德允樹無逸作訓稱古帝
昔在殷王實首舉天命自度戒荒寧享國之年七十五
克修湯政慕遠方重譯而至羣心麇究其致盛所由來
嚴恭寅畏斯為主

右殷太戊

徙邢歷六代墊隘民居底弗可行政化遷都為民耳乃
胥動浮言安土致然矣盤庚著三篇實得誥諭體上示
乃在位中話民弗率叶下則既奠居叮嚀簡相爾然予

更有言害不視亶父叶避狄遷於岐民從者若市誰謂
荼之苦其甘亦如薺是知得民心那費言佑啟

右殷盤庚

考圖相傳說設教契神解空前絕後為可一不可再

叶

今讀三篇言誠為百世楷至於伐鬼方注家無定在

既易

濟云萬宗伐鬼方注疏皆不指為何地惟陸德明音義
引荅頤篇云鬼遠也考後漢書西羌傳謂武丁征西羌
鬼方而引詩自彼氐羌莫敢不來王為證馬端臨文獻
通考駁之云按商訟捷彼殷武奮伐荆楚深入其阻哀
荆之旅言荆楚背叛高宗能出兵伐之美其功也又曰
惟汝荆楚居國南鄉昔有成湯自彼氐羌莫敢不來享

莫敢不來王言成湯時遠夷西方戎羌之國皆來朝見
汝居中國之南方乃背叛乎此責之之辭非謂高宗時
戎羌也時高宗亦伐荆楚蔚宗不詳誤引此詩以附合
耳又按竹書云周王季伐西落鬼戎後漢章帝紀有司
述明帝功德又云克伐鬼方開道西域則鬼方宜是
西羌也由今考之大抵不離乎西南夷羌苗之屬 不

出楚蜀黔夷羌苗之輩

叶

祠卜其雄雞銅珍其殼蟹

羌苗

之地多產銅其最精者煎鍊而成質
薄色赤俗稱為蟹殼銅以形似也

詎能禮義教惟恃

干戈賊三年乃克之僊矣未克等

叶

五載定金川

三年克之

象曰僊也疏謂以衰僊之故三年乃克之此未達理勢
語今王師平定金川正當國家全盛之時兵多餉足
特以其地勢險阻五年乃得歲功
雖士卒不免勞然亦未嘗僊也 掃穴犁庭罷此後諸

西羌安眠逌驚駭作詩非耀武今古迹殊躑

右殷高宗

祖甲逃王位太伯同藥採田間用知依保惠庶民愛

叶

興商類盤庚敬民祛好賄

盤庚下篇云朕不肩好貨取恭生生傳云我不任好賄之

人惟勇於敬民以其生生為念祖甲知小人之休能保惠於庶民與盤庚之意相合

史記及孔傳

訛傳失魯亥

周公作無逸以殷王中宗及高宗及祖甲為迪哲其言信而可徵鄭康成云高宗欲廢

祖庚立祖甲祖甲以為不義逃於民間故云不義惟王也史記乃云祖甲淫亂敗復衰本無所據考無逸祖甲節下云自時厥後立王生則逸不知稼穡之艱難不聞小人之勞惟耽樂之從又言殷三宗及文王迪哲則祖

甲實商之令辟豈得違經義而妄為訾議乎
孔氏乃以祖甲為太甲則其謬更不待言矣

右殷祖甲

古公云典當在昌小心翼翼昭事允至於為政首惠鮮
鰥寡孤獨懷先軫敬天仁民君道該三分服事德備盡
究其所以云在何於穆不已天地準

右周文王

聞誅一夫紂可以息口吻方諸服事殷自弗如文謹洪
範彛倫叙丹書敬義厯叶因之作諸銘質語據道蘊劉

向傳

去聲

五行分配失飾粉蔡注祛穿鑿足破羣疑案

叶

箕子陳疇由五行以及五事推而至於嚮用五福威用六極而皇極之建尤為一篇要旨蓋本天道以驗之君身惟當修而用之其理平正無奇所以為治天下之大法自劉向作五行傳分配類應各舉其事以實之後世宗其說專以之覘察機祥幾入識緯之學夫洪範之本義矣惟蔡氏集注謂休咎之應乃自然之理必曰某事得則某休微應某事失則某咎微應斯亦膠固而不通而不足語造化之妙其論甚醇可以破羣疑而訂經訓

夫惟一戎衣垂拱治猶敏乃有夷齊者避向首陽隱

右周武王

篤周祜密侵阮殷商旅倒戈返文武基成王振叶民于

近佞于遠冠

去聲

之頌雍辭展

叶

左右孰充弼塞前後孰

道承善

叶

作無逸周公進

叶

用訓王諄繾綣曰負屨曰

補衮制禮樂斯為本知艱難慎旦晚稱守成王闕間

明焦竑作養正圖解其聽朝四輔篇圖說云禮明堂

位曰篤仁而好學多聞而道順天子疑則問應而不

窮者謂之道道者導天子以道者也常立於前是周

公也誠立而敢斷輔善而相義者謂之充充者充天

子之志者也常立於左是太公也潔廉而切直正過

而諫邪者謂之弼弼者弼天子之過者也常立於右
是召公也博聞彊記捷給而善對者謂之承承者承
天子之遺忘者也常立於後是史佚也故成王中立
而聽朝則四聖維之是以慮無失計舉無過事考十
三經內禮記明堂位無此文因檢大戴禮保傳篇載
明堂之位云云與圖說所引正合其言則全錄賈誼
新書按戴德戴聖俱在賈誼後或者誼著書時明堂
位別有全文故得備引之其後遂至散佚故德即錄

誼書聖則刪而不取此大小戴記之所以异也茲因
大戴禮有明堂之位語不問此文為經本有無輒標
作禮明堂位且注云是禮記中篇名由於未加深考
之誤茲詠成王事因并訂而識之

右周成王

史記成康世承平事异雲霓民望旱曰休曰息百姓安
以張以皇四裔款東郊保釐父師命西方聽斷太保亶
天威敬忌勵初服用致刑措圉圉罕

右周康王

始勤終怠戒垂編簡宣王於斯能無面赧初政勵精有

志撥亂

叶

北伐南征常武詩撰雲漢憂民肥如涕潛周

道復興炫乎史版及其末年晏起既倦

叶

千畝不藉魯

適廢舛料民太原卒以拒諫

叶

杜伯非罪殺之弗難而

貪天禍幽厲平並

叶

殷鑒在茲慎哉擇揀

右周宣王

社雖仍樹栗廡乃移鐘銑東遷最失計蘇軾論誠善然

其時弗遷勢又何能免命秦為諸侯祠帝已僭竊叶終
焉即代周履霜堅冰踐

右周平王

奮六代之餘業吞二周而王八表執捶拊以臨天下如
雄風之振孤篠銷兵器徙豪傑燭詩書阮諸生恣意所
為而無不了然其分郡縣去封建後世從之則安違之
亦擾於是遊海上求神仙乎杳渺豈知一夫作難二世
而亡為天下笑叶賈誼所謂仁義不施攻守勢异非惟

括羸秦興亡之運即萬世治亂之機亦於是乎可曉

右秦始皇

大勇略小節大智祛小巧平生豁遠度天運歸金卯揮
洗揖酈生銷印無執拘蕭曹倚股肱信布資牙爪約法
三章寬漢基四百肇民苦秦久矣久饑易為飽

右漢高帝

卓識愛吟杜牧詩不是安劉咄四皓天與人歸適逢時
庚庚大橫符吉兆西鄉南鄉讓再三是謂有禮仁為寶

收弩相坐在首除詔定振窮及養老卑辭爰賜趙佗書
亦得稱臣罷兵討止輦常受從去聲官言勸農蠲賦頗可
考其間善政不勝書繼世之君誠最好史臣總論吾所
疑輯覽已評弗重道

史稱漢文仁儉引露臺等事以實之余以為文帝善
政當觀其大者遠者徒爾博採傳會轉恐失真無論
持百金以營臺分十金以號中人之產為理所必無
即慎夫人衣不曳地而鄧通則給銅山鑄錢寧有刺

謬若此者甚至以賜吳王几杖為止叛賜張武金為止貪不幾執宋襄公徐偃王愚懦之見窺尋令辟哉向因批通鑑輯覽評論及之

右漢文帝

周曰成康漢文景與民休息政去瑣勸農桑禁采珠玉惻獨亦哀富亦哿聽鼂錯議削七國反則誅之實未妄既而又悔識甚早苟非亞夫延巨禍田叔復善處骨肉帝何為者隨否可

右漢景帝

秦皇漢武恒並稱吾謂其言未當

去聲

也秦皇阮儒武重

儒一端足以定高下求仙封禪勤土木黷武之類過弗

寡然其大過在鉤弋理無因子殺其母

叶

禍防呂雉特

忍殘投鼠忌器喻寧假表章六經黜百家則其得在興

俊雅瑕瑜不掩斯可耳漢史摛失其得捨入於蠶室懷

恨深載筆紀事由司馬

右漢武帝

丙吉哀王孫獄中謹乳養少時遊閭里吏治得失講

叶

石立仆柳起入繼愜衆仰為政誠勵精必罰更信賞吏
稱去聲民安業綜核勤堪想宇內既稱治單于慕稽顙屢書
鳳凰見或亦隣虛枉

右漢宣帝

有度祇如綴旒耽逸那思繙井流連內閭色荒侵尋外
戚政秉班生徒歎讜言梅尉空云察景惜哉史丹伏蒲
其所存者土梗

右漢成帝

白水神徵赤符天挺以武開基以文定鼎中興稱賢殷

中宗並非退功臣保全心永

史臣論光武謂天下既定乃退功臣而進文吏意若

有不凡者不知光武之退功臣正以善於保全勝于漢高也

雖進文吏察政意整勅

幾攬綱躬勞識迴神道設教識緯是聽叶欲罪桓譚失

之悻悻

右漢光武

舊學桓榮尚書受養老辟雍禮則有雖好褊察傷仁厚
建武制度變更否自起撞郎實堪醜抑后妃家法足取

東平樂善相親友雲臺圖像表勲舊叶失一二得乃八九
責賢何必備滕口

右漢明帝

章較明為平處事亦詳審觀其戒俗吏安靜無忘諗行
秋觀收穫貴脫粟瓢飲封外戚為孝小節傷之甚終於
竇梁橫去聲預政由椒寢履霜堅冰至義經訓宜凜

右漢章帝

南陽卧龍足興劉草廬三顧以誠感遂許驅馳據益州

稱王而已帝未敢曹丕篡漢乃正位斯有禮矣殊虎耽

平生非無用智諱復漢業心不可揜通鑑紀魏綱目漢斯義為

正取輯覽

司馬光通鑑以魏紀年宋子綱目取春秋之義以昭烈承獻帝後紹漢遺統乃天下萬世

公論故輯覽從綱目例

惜乎禪也弗克嗣二世而斬於昏闇至今

每讀出師表猶覺丹誠白日撼

右漢昭烈

將為周文久蓄逆故惡荀彧殺崔琰

皆操事

逆子因以終

其志矣劉於是遂滅饒薄待骨肉實少恩煮豆燃萁何

太險徐劉應阮陳王吳一時才雋相遊款^叶輪轅飾矣
徒虛車究其篡奪安能掩

右魏文帝

漢政不綱國既卒斬羣起鹿逐各逞號闕據有江東豪
傑收攬袁紹弟兄携貳識暗^叶劉表父子駕馬戀蹀祇
有仲謀養子無忝計用周瑜三軍就範百萬曹兵江中
列艦鏖之赤壁盡於一燭^叶鼎足勢成邦基垂範勝驅
除者閏位易紀

右吳大帝

魏晉篡奪好還伯仲既以平吳志滿欲中罷州郡兵盜
賊興衆吳姬五千歌舞充貢駕羊身荒飛鴻目送后族
專擅嫡子昏魯衛瑾撫床獨懷深慟禍亂頻興誰折其棟

右晉武帝

一馬化為龍竟中

去聲

童謠誦復讐徒虛言探甲鮮實用

升床寵王導太陽宣下共相與尚老莊清談恣豪縱雖
曰成偏安而已失正統有塹恃江淮無徵同杞宋

右晉元帝

起兵討桓元壯氣如雄虹自幼有大志欲挽天河絳忠
晉而不終原為已謀初叶即真能節儉示後重耕稷傳
亮王韶之助惡誠愚蠢卓哉淵明翁隱去柴桑巷

右宋高祖

桀死褚淵生石頭城亦媿敬則譬汝陰取司馬如是

叶

天道真好還丹陽權收實究不保善終道成罪奚避納
諫與節儉御物斥精細欲文去聲篡逆過孰弗知其偽

右齊高祖

拓跋姓氏自古貽謂黃帝後真無謂

魏太祖初即位用崔宏議自謂黃

帝之後說本不經余向作平定半噶爾告成太學碑文云東吳西夷各依其地謬舉淳維未為理據拓跋之遠

溯軒轅與史記謂匈奴為夏禹苗裔何以并哉

二十餘傳雄諸部據有鄴都國

號魏

按魏書拓跋氏之先世居北荒自可汗推寅始南遷二十餘傳至太祖據有鄴都國號曰魏又再傳

而至太武考拓跋氏居於北漢當為蒙古部落其推寅之名與蒙古語托音相近至今蒙古謂貴種為僧者為

托音即此可見拓跋蓋蒙古之一部且拓跋自係蒙古語之圖卜謂正及中也其姓氏取義本自正大乃作魏

史者誤云北俗謂土謂拓謂后謂跋故以為氏考蒙古語土曰拓素此猶近之至后則曰哈屯並無所謂跋者

顧牽引土德遼王之說強為傳會不亦失誣乎至於議
定國號自宜創立嘉名以垂久遠當時羣臣以啓基雲
代請以代為號乃因崔宏有魏者大名神州之上國云
云遂下詔號為魏不知崔宏本漢人其咸稱魏地沿曹
操受封建國之號或有深義欲與拓跋皆不可知爾時
並受其愚耳至魏之傳世雖歷一百七十餘年南北
朝最為長久然其初十六國各自竊據後則分裂東西
較遼金之直據北方與宋人割疆分土者不及遠矣

太武道武所鍾愛果作室家善塗堅戎軒四出定中外
南北劃疆儼朝制公卿子弟命入學疑獄決之以經義
崇道教而汰沙門則鄰月落教星替崔浩既不好老莊
書信謹之冠思也未

右魏太武帝

北魏稱賢君恭已勤臨御其初定武業帝以崇文著宗
文固已佳衣冠改無據智者之所嗤迂者之所譽試看

北魏祀四世遂斬遼祖宗其忍忘艱難可弗慮摘詞戒

後人叮嚀聽斯語

魏室創業經世咸尚威武至孝文帝始崇文教雖亦潤色太平之一端乃

改易衣冠親服家見朝饗四侍而國社遂墟足為忘祖
背本之鑑而遼金及元之末季皆踵其失凡改漢衣冠

者不再世而輒亡益足深警矣昔我

太宗文皇

帝因問金世宗紀見其有禁約子孫無忘祖宗為訓衣

服語言悉遵舊制曾

命侍臣宣讀金史

諭誠

大臣

聖慮至深且遠

然彼時遼海已克什等即有

應效漢人服飾制度之精我
達海巴克什乃滿洲世僕且當
太宗斥而不從夫
立國之初徒以畧

習漢字即懷見異而遷之意可見滿洲臣子專習文墨
無有不染漢人習氣者惟在上之人力抗其弊而無為

所惑余益用是深懼昔年恭讀

實錄因敬述

聖訓勒石垂示後視製皇朝禮器圖式序於勿改衣冠

一事諄切中警我世世子孫臣庶惟當敬守勿渝永延

億萬載丕丕基故不能已於丁寧告戒耳茲詠魏孝文

事因復

聞登之

右魏孝文帝

乘其危竊其祚蕭衍道成視劉裕宮城圍吳興拒叶徒

稱馬仙琕素昂仍厚遇本失正末奚數叶定律興樂曾

何助特佞佛奉像塑捨身同秦功德慕初祖謁直指處

漆桶弗契乃北去

傳燈錄云初祖達摩自天竺國三周寒暑遠於南海寶梁普通元年也武

帝詔至金陵問曰朕造寺寫經不可勝紀有何功德師曰並無功德此但小乘有漏之因如影隨形雖有非實帝不懌師知不契潛回江北止於嵩山少林寺面壁九年又禪宗以著相弗悟之人謂之黑漆桶云

祀犧

牲代麋素廟不血食語不懼餓臺城應始悟荷荷那得

金仙護

右梁武帝

受禪弒逆如出一例嗟哉六朝誰階之厲霸先竊梁亦

因時勢律身以儉施政以惠獨甚可笑捨身佛寺其鑒
不遠在梁武帝徒求福報那解罪戾未識楞嚴清明還
霽

右陳高祖

高歡逐主魏分二其時勅敵宇文泰既而泰復效其為
慕秦朝楚亂之最高洋不及父與兄犢車一乘公受代
沈酗既久彌以狂荒淫殺戮恣為害武成溫國世濟昏
婦髻童謡適逢會

右北齊興廢

文帝出已任蘇綽尚賢有合大畜卦篡奪時非祇一人
於黑獺也亦奚怪纔四五傳隋易祚不仁之澤那辭敗
大誥特作正文風當正者多此其殺嗟哉彼時士大夫
鮮弗腴顏持國賣

右北周興廢

外戚竊柄蟲食木內攘取易易不勞軍隊謀伐江南值
陳昏憤遂成一統勝劉蕭輩勇慙廣險一立一廢獨孤

悞我悔亦何益叶二世而亡報施豈昧彥謙卓識人所

弗逮

右隋文帝

自漢失御六朝亡迅加之南北相排擯倒行逆施太原
兵進化家為國帝出震正統開基掃除餘閏李唐二百
餘年演叶嫡庶建立惜未明慎元武禍起家庭釁喋血

禁門同氣推刃高祖不明論允信

司馬光云高祖所以有天下皆太宗之功

隱太子以庸劣居其右地勢逼必不相容鄉使高祖有文王之明隱太子有泰伯之賢太宗有子臧之節則

亂何自而生哉其論最為允當惜唐高祖當日見不及此徒拘立嫡以長之說遂使釁起家庭而致太宗之失德也

右唐高祖

助高祖開國運勇天授迅雷奮繼臨御多仁聞能納諫治匪素更愛民恩無靳善政夥不勝据有慙德可弗問

欲蓋愆好名近

唐太宗嘉言善政史不勝書洵三代以下今辟而其虛懷納諫改過不吝亦卓

然可紀若剪鬚吞蝗諸事則不免近於好名身有慙德故欲博美譽為晚蓋所謂三代以下惟恐不好名耳

三代下垂芳訓

右唐太宗

起兵討韋氏識英而志健宋王能讓功過建成以萬內
禪即帝位初政頗勤繼吾瘦天下肥名言可為勸既而
臨蒞久太平符所願天寶易開元志滿心驕頓姚宋亦
已沒李楊弄權溷荒淫無不為親邪正人遠一人前後
異敬怠殊方寸侵尋致播遷自取夫誰怨

右唐元宗

乘危叛父范氏語定案聽讒殺子宦妾恣為亂輔國脇

上皇君失乾斷張后致武韋夫為網攬父子君臣夫婦
胥無幹始終懦柔昏悖誠堪歎藉李郭克復非出其算
若肅宗者言之污文翰

右唐肅宗

亡唐者二事方鎮及豎宦宦豎久已然方鎮代宗慣時
雖有良將亂用安則慢弗能去奸相每致忠良間市馬
悅回紇匹值四十絹佞佛章敬寺七廟致詆謾雖削元
振爵因納柳伋諫即其誅朝恩亦以詭計辦得一而失

百那濟式微患

右唐代宗

踐阼初政頗可稱曾不數年早更變苛刻猜忌以為明

恥見屈寧受欺面盧

杞趙贊

用甘雲蔽天蕭

復姜公輔

棄

若日臨霰揣越失陸惜傍徨事平聽讒弗顧春

陸贊從幸山南

道險澀與從官相失夜召贊不得帝驚且泣詔軍中得

勢者賞千金久之乃至上喜甚然贊數直諫忤上意又

極言杞姦邪致亂上雖貶杞心頗不悅後裴延齡言贊
與李充等心懷怨望激怒諸軍上怒欲誅贊等會陽城
論救乃貶贊宮市白望恣強奪香山居易詩曾訕末年
為忠州別駕

姑息圖無事朝廷益弱方鎮煽唐家宗社未淪亡貞觀
餘惠人猶戀

右唐德宗

志平不掉任賢自劭藩鎮悍慄無敢弗奉詔元濟猶梟
嘯破蔡雪宵叶服丹多躁陷大禍堪弔

右唐憲宗

五代歷五十三年鄒魯閔趁兵戈闢附具際者更十國時
民那有生之樂臣篡君及子囚父三綱掃地尤而效不

永其祚固應然安論求忠必出孝唐明宗與周世宗尚
屬留心民事較傭中佼佼鐵中錚去之遠矣於王道叶
論世恒因鑒戒存黃帝舜禹萬世教

右五代興廢

陳橋兵變膺籙建號雖非以暴而易暴乘危廢三五季
轍蹈亦曰施逆其行倒四方僭竊次第除掃居然一統
成丕冒自緣大度人歸天保叶宋家三百年基兆叶杯

酒釋兵謂因權妙冷觀實不值一笑

宋太祖以杯酒詭
辭釋兵權罷藩鎮

世傳為美談然究涉於權術駕馭以當日時勢而論如
石守信等宋祖曾與之比肩事主未免心存猜忌不得
不思急解其兵權即漢高祖誅夷亦皆因疑其功臣並同
櫛風沐雨故韓彭趙黢馮彭誅夷亦皆因疑其功臣並同
祖猶為此善於彼矣若我朝自祖宗以來庸將相之任
者非子弟即臣僕有事則統兵征勦功成則供職如常
既無形跡微嫌又何有兵權之可解乎即如庚辰春兆
惠等平定回部酬庸錫爵命為御前領侍衛大臣凱宴
詩曾有藉我虎臣典宿衛笑他杯酒解兵權之句丙申
春平定金川凱旋策勲懋賞阿桂豐昇顯並以軍機大
臣兼領侍衛大臣餘亦在御前乾清門者居多故凱宴
詩亦有上將歸來是近臣及解兵笑彼一杯酒之句此
實仰承家法之善並非有所權術於其傳弟誠誤
間豈宋祖以私智保全者所可同日語哉

其言出趙

叶

南渡依然得顯報

傳弟誠誤

右宋太祖

即位急改元已失厚道大德昭及度美忌去不留箇慙

德莫斯甚趙普時猶佐英斷承藝祖遂削平天下叶勤

儉與納諫善政故可課集儒輯三書

宋太宗身有慙德故即位後集天下

文人輯太平御覽冊府元龜文苑英華三書以旋厚力而弭衆議明成祖之修永樂大典亦倣其意方今海

宇承平宜崇文治因下詔蒐訪遺籍命儒臣編輯四庫全書嘉惠後學所以公同好而非若彼之為私計權術

也深意別有那永樂乃效之大典遍搜邏彼各有所固難

欺後人譖四海今無事史右而圖左因命校全書欲以

文風播原弗同彼二遊辭更誰作

右宋太宗

契丹大舉至澶州聽寇準言興師禡無何欽若中

去聲 讒

言孤注危盟恥城下叶乃知初意原內怯不足有為功
假借時平事定見天書樽酒封珠共為詐人可欺耳天
可欺王旦正人責難謝

右宋真宗

宋仁宗似漢文帝守成之君賢最尚恭儉仁恕出天性

大辟上讞矜罪當不廣苑囿同罷臺玉清池館辭溶漾
夏人犯邊禦出境契丹渝盟增幣量視若優柔失國體

無撻伐能寧此讓

昨歲觀集平定兩金川戰國詩序曾云予之子孫其尚以予之所為為戒

更當以予之所為為勉如其不能則莫如息事寧人如漢文帝宋仁宗之自守可耳茲詠宋仁宗事因並識之

小人弗勝善類氣嬖倖不累治世樣史官二語固紀實

安石之禍實因釀郭后批頰事可罪廢則宜也何疑訪

既而自悔要

平聲

冊立帝心終是無定向一之為甚復疑

曹宮閭處置總無狀

右宋仁宗

入繼非嫡正驚不敢為踰月而疾病羣小恣奔競兩宮
釁成賴大臣調停叶及其自聽政每問故事裁決多善
令四知頗慎儆又四不能溫公言果應濮禮議求勝遂
出蔡襄究屬申私敬司馬韓歐諍豈不皆賢聚訟原
難竟積善有餘慶斯事莫遭然總由天命

右宋英宗

熙寧即位頗勵精一用安石亂機定公亮進邪誠罪魁

吳奎識早惜弗聽青苗保甲及均輸言利弘羊猶未罄
拒諫黜正為弗恤終無覺悟墮昏悞求治太速尚衡言
直是不知為治徑

右宋神宗

宣仁臨朝持憲章罷新法守仁宗舊轍戒守臣勿犯邊
黎庶恬安宏在宥社飯之言屢丁寧何不官家躬訓授

勸諸賢退類私愛輯覽曾評義宜究

續綱目載宣仁太后因呂大防范純

仁等問疾泣下曰老身沒後必有調戲官家者宜勿聽
公等亦宜早退令官家別用一指人云云向聞通鑑輯

覽曾許云宣仁之賢宜屬大臣公忠體國以輔少主即
慮哲宗他日蔑棄老成更張新政當升召哲宗諭以防
微杜漸保全名乃對諸臣丁寧鳴咽勸以宜早引退
是全為私絕不類其平日之所行矣然諸臣非不明大
義者何忍洩之於人傳之於後此蓋出於史家附會之
說未可信也今考宣仁此事正史所不載野傳間之
異多不足憑茲詠宋哲宗
而及宣仁因復闡其義
及帝親政衆顧望首召劉瑗

拒范奏小人乘之為報復紹聖改元計已售紹聖非聖
紹王蔡羣奸則應帝誠陋馴致黨禍終北宋帝肇亂夫
誰能救

右宋哲宗

多能無不精君道失之深親邪如弗勝去正曾莫論

叶

黨禍過漢唐賢臣都在禁

謂司馬光呂公著文彥博等

銳意文太平

天神欺已甚艮嶽網花石紅薰依碧沁是皆足亂國那
更開邊祲童貫明攻遼馬政暗通金叶既復背金盟南
侵流血沒北宋匪亡欽致亡徽合任

右宋徽宗

忘不共戴天之讐安苟且一隅之暫有其志尚恐不能
成忍於恥那復知有憾奸如秦檜旌一德之應求忠若

岳飛致三木之審勘如斯人也而得優游德壽以善終
蓋幸叨天恩之濫

右宋高宗

初銳意恢復弗恃長江塹任張浚有意間

去聲

史浩無驗

終於一莫成稱姪奉幣兼居憂未二年內禪遽政厭君

孝宣在茲

史臣稱孝宗自外藩入繼大統而能盡官庭之孝又力行三年之喪謂其無媿廟號然高

宗晏駕未及二年遂爾內禪惟以有病不得已至德壽宮為由云欲不退休不可迹雖襲夫孝名心實怠於政事蓋知恢復之難故為引避之計不顧祖宗之基業惟圖一己之便安豈足語於為君之大體乎在繼

祖宗念惜哉藝祖業開創何光豔

右宋孝宗

勤始怠終濫觴江泛鮮弗如斯可不大監穆陵中年嗜
欲深陷閭馬丁當見乎謠識叶貪地棄盟釁起輕僂徒
因尊朱謚理有玷叶即以學論私多誠欠

右宋理宗

始唐咸通耶律顯族發祥潢河會同繼續既都上京遂

變本服

遼自太祖創興大業國勢威強太宗繼緒滅梁立晉其規模益為恢廓然自會同改元以後公

卿庶官皆倣中國既入大梁朝廷長驅入梁重貴袒肉

徒之黃龍石田土屋延廣弗咎重威乃哭

太宗引兵入大梁有司欲

使晉主銜壁迎降太宗不許曰吾遣舟兵取之非受降也乃執晉主重貴以歸封為負義侯徒之黃龍府初晉為遼所立奉事惟謹及晉主敬瑄殂重貴嗣立大臣議奉柔荊臣告衷於遼景延廣請致書稱孫而不稱臣李崧以為不可延廣固爭晉主卒從其議太宗得書大怒遣使責讓延廣復以不遜語答之遂與兵擊晉及破城執延廣太宗詰之曰致兩主失歡皆汝所為十萬橫磨劍安在召喬榮與證榮以紙所記語示之乃服是石晉之亡實由於延廣晉主不追咎延廣之失謀貽誤惟以杜重威負晉降遼引兵破國為恨見其營寨恸哭而去亦何一統元殊分疆金匹規模遜焉

遼與宋南北分疆較金之於宋

雖亦相仿然金兵直破汴京驅徽欽北去逼令高宗倉
皇南渡一綫偏安及孝宗時猶具書稱姪不敢失事大
之禮若遼則惟與宋聯和復乃并弛邊備馴致淪
亡其威武不及金朝遠甚正可與北魏並稱耳
北魏
可目

右遼太宗

白山黑水本靈區勿吉七部原同俗

金之先出靺鞨部
靺鞨本號勿吉勿

吉古肅慎地也勿吉有七部曰紇穆爾曰伯蘇曰倭
庫曰烏捏曰赫舒曰黑水曰白山黑水部附屬於契丹
郎分南北其在此者不在契丹籍曰生女直後改稱女
真地有混同江長白山混同江亦號黑龍江所謂白山
黑水
是也
東方雲氣生異人端重善射炳智燭以此諸部漸

歸附素衣朱襪從于沃

金之始祖當遼道宗時有五色雲氣

屢出東方大如二千斛因司天孔致和竊謂人曰其下

當生異人建非常之事天以象告已而太祖生知時舉

止端重成重即善射及長算無適策知人善任人樂為用

適值遼政漸不綱混同迎

戰似神告女真滿萬不可敵至是其言驗如卜

遼主淫酗怠於

政事每歲徵索無藝女真厭苦之太祖乃建城堡修戎
器以備且召所屬曰遼人知我將舉兵集諸路軍備我
我必先發制之因徵諸部兵得二千五百人以遼之罪
中告天地博捉而誓至遼界與遼兵戰大勝而還遼主
遣都統蕭嗣先等往擊太祖率兵禦之會夜方就枕若
有扶其首者三寤而起曰神明警我也即鳴鼓舉燧而
行黎明至混同江遼人方據凌道太祖選壯士十人擊
走之因率衆繼進登岸與遼兵遇會大風起塵埃蔽天

太祖乘風奮勢遼兵潰將士多死其獲免者十有七
人遼人嘗言女真兵滿萬則不可敵至是始滿萬云建

國稱帝遂號金敗遼達魯

達魯即達魯克急

窮追遂

太祖

既屢勝遼羣臣固請稱帝乃以乙未正月朔即皇帝位
國號大金遼遣使議和不從太祖自將攻遼黃龍府遼
連騎卒二十萬步卒七萬戍邊七田為長久計太祖聞
之率衆起遼嚕克城登高望遼兵若連雲灌木狀顧謂
左右曰遼兵心威而情怯雖多不足畏遂起高車為陣
穆哩庫以右翼先馳遼左軍左軍却洛索尼焚赫街遼
中堅陷陣力戰尼瑪哈以中軍助之遼兵遂敗金人乘
勝追擊會日暮圍其營遼軍潰圍出金人逐北至阿魯
岡遼步卒盡殪並獲其耕具數十
一百廿年帝業開天相抑亦山人易

石金太祖

天輔草創天會繼滅遼北朝歸掌握南征徽欽就拘繫
高宗稱姪慙不覺其勢頗可成一統未來時實失商榷
武功既昭修以文勸農議禮並制樂傳位熙宗繼太祖
大公量更人難學

石金太宗

勸進協人心即符天命吉以久典外郡民艱故所悉分
疆息兵戈休養籌勤恤戒奢崇以儉去文歸於質其最
可稱者毋忘舊為棘叶詎止一代然萬世胥應述世宗
之不

忘國俗實堪為萬世法恭讀
命內弘文院大臣讀金世宗本紀
實錄我
諭諸王貝勒大

臣曰世宗乃聲名顯著之賢君當時後世咸稱為小堯
舜其在位奮圖法祖勤求治理惟恐子孫仍效漢俗預

為禁約屢以無忘祖宗為訓衣服語言悉遵舊制時時
練習騎射以備武功因復
諄切戒諭曰朕此言實

為子孫萬世計惟恐後日子孫忘舊制廢騎射以效漢
俗政帝切此慮耳予欽奉此
訓命於箭亭勒卧碑

以訓
永世

右金世宗

乃祖嘉習國語

金史稱章宗為世宗嫡孫以封原王判
大興府事入以國語謝世宗喜謂宰臣

曰朕嘗命諸王習本朝語惟
原王語甚習朕甚嘉之云云
為孫宜守舊物服御漸染

華風疎忌那聞吁咈付託却喜柔弱馴致金源道誦惜

哉大定規模直使章宗哀訖

章宗即位以後未嘗不知治體然偏以典章文物為

急而詰戎肆武之道棄之如遺遂盡變祖宗舊風國勢日就孱弱又因無子疎忌宗室以衛紹王永濟柔弱鮮智能故愛之遽爾傳位不復為宗社計漸致淪胥金源之業益衰於章宗矣

右金章宗

蒙古始祖勃端察居教拉野本窮髮

元太祖本紀稱其十世祖勃端察爾

至己爾圖教拉之地居焉勃端察爾舊作孛端義兒已爾圖教拉舊作八里叱阿懶今俱改正蒙古語稱始祖為勃端察爾並非其名已爾圖教拉則有虎之山也 十世太祖爰開拓滅國四十

武功勃又四傳乃至世祖定金平宋偃征伐一統建元
立國號興圖之廣千古突取之以武修以文敬勤二字

勉無忽其時良佐曰惟誰已延之賢不可沒

世祖定金平宋正位

一統而度量洪廣知人善任信用儒術以成一代之制
規模實為宏遠其輔佐固多名臣當以已延為最已延
統兵南征陛辭時世祖諭之曰古之善取江南者惟曹
彬一人汝能不殺是吾曹彬也及下臨安已延諭以大
意宋主即奉表請降已延受之禁軍士毋入城榜諭臨
安中外軍民安堵如故民大悅視宋之曹彬有過之無
不及亦由世祖善於擇將
宋源諸人修元史秦人肥瘠
及臨軒宣命之仁言耳

視如越世祖一帝十三卷既冗長去聲仍失隱汨歐陽逸

馬笑繁文千古史筆鮮精核

宋稗云穆修張景嘗待旦東華門外適見奔馬踐死

一犬二人各記其事以較工拙穆修曰馬逸有黃犬遇蹄而斃張景曰有犬死奔馬之下時文體新變二人語皆拙澀當時已謂之工又幕府燕閒錄云歐陽文忠在翰林日嘗與同院出遊有奔馬斃犬於前文忠顧曰君試言其事同院曰有犬卧於通衢逸馬蹄而殺之文忠曰使子修史萬卷未已也曰內翰以爲何如文忠曰逸馬殺犬於道此二事衆所傳說者宋源工於古文寧不知簡要爲貴何來勅修元史冗漫若是耶

是易

失統不成國綱目徇私著歲月通鑑輯覽茲正之用訓

守基凜天罰

宋之南渡已屬偏安然德祐以前尚有疆域可憑猶

得比之東晉至臨安既破帝羣見俘宋祚遂絕正統
即當歸之於元若昱曷二王流離海島不復成其為
君正與明唐桂二王之竄跡閩滇者無異而續綱目
於景炎祥興仍用大書紀年實乖史筆之正前纂通
鑑輯覽於丙子三月以後即大書元世祖至元十三
年而以昱曷紀年附注其下又如元順帝北遷沙漠
未嘗不予孫繼立然既委棄中原即不得復大書故
號此乃大公至正之理夫廢興代嬗書法自有一定

不可稍存偏袒之私且史鑑所以昭法戒亦使為君者知統緒存亡當慎苞桑而凜馭朽庶克保承世業垂戒不可不公向於評鑑曾闡其大旨如此

右元世祖

入定國難俟武宗於義為順實明達及即帝位勤為治世祖成憲守弗過不事遊畋戒征伐崇儉二簋之用曷廟號曰仁信無愧較之嘉祐規模濶

右元仁宗

為驅除難

去聲

必先小黠漢明若斯唐宋異說

叶

漢明之與皆屬

起革跡陳勝兵廣為沛公驅除張士誠陳友諒之於吳王亦然均可取喻於中原逐鹿若唐家太原興師宋室陳橋兵變與漢明情事不同而趙宋欺孤則更不及李唐之乘隋煬無道耳定亂之後漢簡

明察一意復古封建滋弊

叶

封建不可行於後世昔人論之已詳明祖欲大封諸

子以懲宋元孤立為名不思宋之亡由於猶弱無能元之亡由於順帝失德強藩不靖已事可徵乃開國之初均泥古制不旋踵而燕兵南下骨肉相殘其後高煦宸濠逆謀相繼與漢之吳淠淮南無異及末季流寇橫行

諸王束手就斃並無一人足資大輔分封果何益哉

猜忌功臣二帝轍合

叶

韓彭

自取傳馮枉殺

漢高祖之猜忌功臣心跡相仿然韓信彭越皆有逆謀植臨實由自取若傳

友德馮勝並以無罪而賜死則明以此較之洪武險軋祖之深險谿刻更甚於漢高矣

一歲兩繫歷朝書法

明太祖以至元二十八年春正月稱帝然是時大都尚未失守元之

正統猶在至閏七月順帝出居北漢元祚始亡故通鑑輯覽於是年間七月以前仍大書至元紀年而於明事則書明以別之八月以後始大書洪武元年於元事則書元以別之從歷朝體代一歲兩繫之例昭名分而定書法實合大公至正之輯覽遵之統正史札道並見通鑑輯覽之評

右明太祖

秦

謂唐太宗燕成祖

王事無別泥於古致禍烈

懿文太子既卒明祖欲立

燕王且知國有長君社稷之福即當內斷於心授燕王以儲位不但付託得人並可弭骨肉之釁乃信劉三吾

孫承嫡統之曲說遂立太孫致貽後日兵破金川門宮
中自焚之慘且及忠烈諸臣瓜蔓株連誅夷殆盡永樂
之倒行逆施其殘酷實乖人理乃竟得傳之十數世享
國三百餘年天道報施殊不可曉然其始總由明祖泥
古好名之一念誤之其事與唐高祖舍太宗而立建成
相類而明室之貽禍尤烈也唐猶差明慘

絕劉三吾倡言決方齊黃計實拙所可矜都盡節尤英
卓景與鐵爪蔓抄忍酷滅屈義士飛霜屑誅忠臣報宣
茂稱成祖廟食血天網恢偶漏缺終難逃狐史設

右明成祖

三楊委政從忠革薄時稱小康閭閻利樂詰戎臨邊繼

繩赫濯王通戰敗乃聽和約因王陳曷實乖舛酌立內
書房禍埋始作陳祚郭循其言石藥拒而辱之失德莫
若凡十年間瑕瑜半各

右明宣宗

正統初即位王振任邪辟賴尚有三楊未得恣險蜚誠
孝常召責幾欲加刀陌帝乃為跪求自此稍斂迹后崩
遂大縱難數其奸逆挾帝征額森幾於喪宗祐生還居
南宮景帝頗失德奪門復親政家庭事殘阨仍欲祠王

振迷終不可格

右明英宗

興獻議禮恣憤激較宋濮王更凌轢毛澄汪俊以事去
張璉桂萼獲恩錫為人後義總弗論親所生真出私溺
末年修齋任僉邪海瑞忠言辨且析弗親朝臣政叢脞
雖去權奸無救失叶明祚之衰肇於茲內亂由來興外
敵

右明世宗

在位不為不久聽言愈切愈默初倚居正太殷末任向
高惟飾諸臣遠莫覩面一子愛弗去側綱紀陵夷極矣
是謂孤其天職

右明神宗

非乳臭而倚乳母溺近私而任近習禁左班之疏滕恣
東廠之事緝已妃后且不能保國忠良徒然於喑雖二
十四罪已昭彰而懵然不辨閹人煬竈其橫愈急明政
陵夷至是蓋不可救藥惟瞻烏於誰屋集

右明熹宗

大廈之傾一木支是惟貞幹君臣合首誅奸璫似有為
終惑羣言任嚆咎十七年易五十相中無定見致紛雜
外臣難信信內臣固帝失衆應慙殺亡國之臣孰所

用質之帝亦想難答

谷應泰紀事本末載流寇犯宣府京師戒嚴莊烈召對平臺諭問臣

曰李建泰有疏勸朕南遷國君死社稷朕將何往大學士范景文等請先奉太子撫軍江南兵科給事中光時亨大聲曰奉太子往南諸臣意欲何為將欲為唐肅宗靈武故事乎景文等遂不敢言莊烈復問戰守之策衆臣默然因歎曰朕非亡國之君諸臣盡亡國之臣爾遂拂袖起云云莊烈固憤極之言其實諸臣皆莊烈所用

也此語不當於
理因並及之

身殉社稷實堪憐莊烈陵園風雨颯

右明莊烈帝

福王擬高宗南遷祚可接使其能振興江表或安帖諸
事不如宋明亡速交睫皇清一統成殷鑒告萬葉

明臣立福王於南京未嘗不可比宋高宗之南渡然
史稱高宗恭儉仁厚繼體守文則有餘撥亂反正則
不足其初立尚可為繼乃偷安忍恥匿怨忘親以
致貽譏天下若福王則昏庸無識聲色是娛始終昧

於宴安酖毒之戒自詒伊戚兩君相較福王實不及
高宗遠甚至高宗初時信用汪伯彥黃潛善後則專
任秦檜皆贊和議以售其奸邪然彼時內有李綱趙鼎
諸人蓋誠謀國外有岳飛張浚韓世忠諸將慷慨抒
忠雖黑白混淆忠良誅貶然始終不乏正人故尚可
支撐半壁而福王則倚任馬士英阮大鍼引進羣邪
擊排善類國事殆不堪問其可恃以圖存者文臣惟
史可法武將惟黃得功皆處非其地又從中掣其肘

遂成傾厦之難支故論二代之臣明末亦不及南宋
且金將宗弼統兵南下雖追高宗於海上然僅焚臨
安掠輜重而還迨宋稱姪議和兵戈漸息因得延國
祚一百五十餘年我朝則豫親王多鐸奉

詔南征王師所至迎降恐後因即平定江南福王就執
三甫一年而明亡此固

上天眷顧佑啓我國家億萬載丕丕基而明末君臣弗
克善保其緒自速危亡亦足垂鑒奕禩耳

石明福王

四千餘載

自帝堯元載甲辰至今乾隆戊戌凡四十一百三十五年

帝王洪業略舉

梗概以全韻壓惡者吾戒善者吾法法匪虛言施政後
甲戒豈徒云勅幾先怯敬

天誠懋愛民惠洽莫忘

祖宗開創桓撥叶爰告後人欽承毋忘

右總結

詠謚法

桀紂匪惡名桓靈詎醜謚鄭樵論之詳吾亦遵其議四
君自惡君不因名謚被如唐德宋光明之肅顯輩豈弗
耀佳稱寧無愧字義臣子議君父虧名亦非事此語既
不刊吾謂謚可廢叶三代直道行斯民公論備惟視所
行哉虛譽誠無濟

按鄭樵作通志其序謚畧云後世偽作周公謚法欲
以生前之善惡為死後之勸懲且周公之意既不忍
稱其名豈忍稱其惡如是則春秋為尊者諱為親者